

Jekabaara



Cikela ceman n'a musoman kunnafoniseben

a be bo kalo o kalo
Jamana baarada la BP: 2043 Bamako (Mali)

CMDT BE KOOBITONI 500 000 SOROLI KUNNAWOLOSELI LABEN NA


NE 3-4

KALO LADILIKAN

San bee fana n'a ka tije don .
Ninan san ye san barikama ye
Mali kooiseneenaw bolo: San
barikama don fana
kooisenebaarada bolo min ye
CMDT ye. San 1998 y'an ka
jamana kunnawolosan ye
kooisene dakun na, min be
lakodon dije seleke naani bee
kono. Kooi toni 500 000 ,0 te soro
san bee. Kooi toni 500 000 ,0 ye
wasakoba ye. An'ancsiri, in'a
fo nmaa Drissa Keyita y'a fo
cogo min, walasa yannisan 2 000
ce, an be kooi toni 1 000 000 soro.

Zan Batisi Jabate

DTDR Nmaa CMDT Bamako



FARIKOLOJENAJE TAARA BOLO JUMENW KAN SAN 1997

NE 11-12

Jamukan kerɛnkerɛnnen ka ɲesin kɔɔri cikɛlaw bɛɛ ma.

Seeresɛben ni nafolo bolodabaara komite mɔgow ye ɲogonyeba ke san 1997 desanburukalo tile 19 don. O kɛra CMDT ɲemɔgosoba la. ɲogonye in ɲemɔgoya tun be Fajo Jara bolo, n'o ye Mali nafoloko minisiri kɔɔrisigi do ye. Baara ketaw bolodalen ko, komite in ye sariyaba dow sigi sen kan, ka ɲesin ɲinan kɔɔri sannifeereko ma.

Sariya folo :

Kɔɔri feerelen ko, tonɔ min be tila kɔɔri cikɛlaw ni ɲogonɛ ɲinan, o be ben dorome 6 ma kɔɔri kilo kelen-kelen bɛɛ la. O kasabi be ben miliyon 6 ni ko ma, ni kɔɔri feerelen hake sera toni 661 000 ma.

Sariya filanan : o temennen ko, gɔferɛnama ye taabolo kerɛnkerɛnnen ta, min be kɔɔri koloma kilo songo bo dorome 25 la, ka se dorome 28 ma. O taabolo be to sen na fo ka se benkan sariya kura tali ma 1998 san na. Nin waleya min ye dorome 3 fara kɔɔri koloma kilo songo kan, o be Mali gɔferɛnama ka demen jira ka ɲesin kɔɔrisɛnenaw bɛɛ ma, olu minnu ka baara kɛra sababu ye ka Mali sankɔɔta diɲɛ kɔɔri cikejamanaw ce ro.

ɲinan kɔɔri songo sigicogo file

Dansigi	Sansongo	Kɔɔri senɛnanw ninyoro tonɔ mune na	Songo kerɛnkerɛnnen 1997-98 san na
Kalite folo	d. 28	d. 6	d. 34
Kalite filanan	d. 24	d. 6	d. 30
Kalite sabanan	d. 21	d. 6	d. 27

Sariya sabanan : Salon, kɔɔri joyoro kɛra miliyari 2 ni miliyon 175 ani ba 53 ni dorome 956 ye (2 175 053 956). O be o baarada nafolo kasabi ke miliyari 14 ani miliyon 25 ni ba 197 ani dorome

584 ye (14 025 197 584)

Sɛben in dilanna san 1997 desanburukalo tile 19, seeresɛben ni nafolo bolodabaara komite mɔgow fe.

Poitikiko taabolo

A tɛna mɛɛn belɛn Jamana kɔɔnko gelɛnw ɲɛnabɔɲogonyeba bɛna sigi sen kan. O be ke ka ben jamanakuntigi ka linini hakilinan ma, a ye min soro jamana kɔɔnɔ gɛleyaw (kerɛnkerɛnɛnya la, politikiko) ɲɛnaboli kanma. Jamana den bɛɛ welelen don kɛnɛ o kan. Nka, fangasinamatɔn katigɛlɛnw b'a fe ka to u jɔsen kan o ɲogonye fana na, k'u yɛɛ senbo faso kɛnɛ bɛɛ fabagasɛrɛw ro. Yali u b'a fe fana de k'u yɛɛ senbo fasoko yɛɛ de la sa wa ?

Tumani Yalam Sidibe

Sanɓɛɛ sanɓɛɛ CMDT kɔnɔ

Ɗinan sanyelemafoli kɛra bonya ni karama ye CMDT kɔnɔ. O hukumu kɔnɔ, CMDT ɲemɔgo ba n'o ye Drisa Keyita ye, o y'a jira ko dugawu minnu kɛra salon, olu minena Ala ni Kira barika la. Samiɲɛ tɛmɛnnen diyara. Baarakɛlaw y'u seko kɛ ; sɛnɛkɛlaw y'u jɔyɔro fa. Waati tɛmɛnna, mɔgow tun bɛ sigasiga Mali jamana ka koori toni 150 000 sɔrɔli la san kɔnɔ, walima toni 300 000. Bi, an bɛ toni 500 000 de kɛnɛ kan. Sini, mun bɛ an bali ka toni miliyon 1 sɔro? Ni Ala ye sanjiko nɔgoya, a to bɛ dusuko bolo. O dusu dun bɛ CMDT baarakɛlaw n'a cikɛlaw la. O tɛmɛnnen ko, ɲemɔgo ye foli kɛ ka ɲɛsin bɛn ni kotoɲogɔntala ma, minnu bɛ CMDT baarakɛlaw ni ɲogɔn ɛɛ. A y'a ɲini u fɛ, u ka do fara o kan. A tilara ka dugawu kɛ

san kura hukumu kɔnɔ. Ɗemɔgo Drisa Keyita ka kuma ninnu kɔfɛ, CMDT baaraɲemɔgo damado ye kuma ta, baarakɛlaw togo la. Olu ye :

- * Kasimu Damele - CMDT ɲemɔgo dankan folo,
- * Saliya Trawele - baarakɛlaw lafasajkulu ɲemɔgo.
- * Zan Piyeri Derilon, - CMDT nansara dunanw togo la.

Olu ka sanɓɛɛ-sanɓɛɛsɛben kɔnɔkumaw file nin ye tugunaɲɛw kɔnɔ. Sɛben olu bayɛɛmana bamanakan na mɔgo minnu fɛ :

- Mamadu Yusufu Sise (CMDT)
- Mamadu Lariya Sise (CMDT)
- Dramane Trawele (CMDT)
- Tumani Yalam Sidibe (Jekabaara)

CMDT kuntigi dankan ka sanɓɛɛ-sanɓɛɛ kibaruru



Kasimu Damele

CMDT kuntigi
 CMDT sendika ɲemɔgo
 Baarakɛlaw, ɛɛ ani muso
 San kura in damine na, ani sunkalo in lahoroma na, n b'a ɲini aw fɛ an k'an miiri an baarakɛɲogɔnw ani an siginogɔnw minnu fatura. An ka dugawu k'u ye, Ala k'u dayoro suma, k'u fara Ala ka jon kunnandiw kan.
 An jera k'u kunko kɛ cogo min, an ka jɛ o cogo kelen na ka gɛɛyaw kunbɛn, walasa an ka kunkorota soro.
 San 1997 kiimɛli bɛ jaabi min di o ye se ni soro de ye. Hali, taamaseere dow b'o jira :
 Sanji nacogo ɲɛna, dunkafa sabatira, koori ɲɛna, soroɲɛn bɛna kɛ

toni kasabi 500 000 ni ko ye. San damado tɛmɛna, o tun ye nkalon ye mɔgo ɲɛna. O herɛ bɛ se bɛɛ ma, koori cikɛlaw ni koori baarada mɔgow. N b'a ɲini Ala fɛ, a ka kɛneya sabati an bɛɛ kan, san 1998 kɔnɔ, walasa an ka se k'an ka haminankow waleya. Salon, an tun y'a ɲaniya ka kunnafoni jɛɛn an ka baarakɛda kɔnɔ ani a ko kan, do kɛra o la. Ɗinan kunnafoni jɛɛɲini bɛ sinsin kosɛbɛ.
 An haminanko wɛrɛ tun ye baarakɛlaw ka kalan yiriwali ye. O hukumu kɔnɔ Ala n'an ka kuntigi sababu la, mɔgo caman ye kalan soro. Ɗinan an b'an sinsin baarakɛlaw ka kalan kan tuguni, walasa u k'u ka baara matarafa kosɛbɛ.

Ala barika la do farala CMDT baarakɛlaw kan bawo mɔgo caman farala cikɛlakolidenw, izini baarakɛlaw ani garazi baarakɛlaw kan. An ka baarakɛla koro minnu bɛ sɛgenlafɛnɛ bɔsigi la olu fana y'u ka jekulu sigi sen kan.
 Ɗinan san 1998 na, an ka kan k'an jija walasa gɛɛɛya ka na se an ma. O la an ka kan ka kɛ kulu kelen ye; ka jɛ ka kan kelen fo; ka kɛ du kelen den ye. N bɛ n ka kuma laban ni foli ni taanuni ye ka ɲɛsin kuntigi n'a ka somogow ma, ani baarakɛlaw bɛɛ ma.
 Aw sanɓɛɛ sanɓɛɛ, Ala ka san 1998 herɛ d'an ma, walasa CMDT ka taa ɲɛ, ka kunkorota soro.

Kasimu Damele
 CMDT kuntigi dankan



Sanɓɛɛ sanɓɛɛ foli don in kɛra selidɔnba ye CMDT ɲemɔgoso la

CMDT sendika nɛmaa Saliya Trawele ka jɛmukan

Ɗinan san kura foliw n'a dugawudon hukumu kɔnɔ, an balimake Saliya Trawele, n'o ye CMDT baarakɛlaw lafasaton (sendika) nɛmɔgo ye, o ye ladalafoliw ke. O foliw kɔnɔ, a y'a ka kuma bonya da CMDT nɛmɔgoba kan, ka se bolofarabaw nɛmɔgow ni CMDT baaraakɛla tɔ bɛɛ ma.

A ko k'an ka taasi bɛ taa folo an baarakɛnɔgonw, n'an somɔgow, an'an teriw ma, Ala ye minnu ka kalifa mine u la san 1997 kɔnɔ. An bɛ Ala deli a ka hine u bɛɛ la ani ka yafa u bɛɛ ma. A y'a nini jama fe a ka taasibila ke ka nɛsin u ma sanga kelen kɔnɔ.

Saliya ka jɛmu :

"Baarakɛlaw nɛmɔgoba

Nin waati kɛrenkɛrennen kɔnɔ, an bɛ waleɲumandon ke baarada nɛmɔgoso ye. An b'an ka laɲiniw fana jira. Yiriwali kɛra, nafolo fana sɔrɔla, k'o sababu ke kɔorisene ye, bawo kɔrimugu ye songo numan sɔrɔ. O taamasɛn ye ciwara sɔrɔli ye CMDT fe, min diyara anw ye kosɛbɛ. Wale fɛn o fɛn de bɛ ke sababu ye ka kɔorisene labarika, n'o de ye nɛmɔgow hakilinan ye, ni Ala sonna, anw bɛ o walew don ba la cogo bɛɛ la. Min ye baarakɛlaw ka hɛrɛ jiidili ye, ni da sera o ma yan salon, walew kɛra k'o miiriya numanw sɛmentiya. O wale dɔw kɛra juru sɔrɔli nɔgɔyali ye ani nisondiyalan min dennen don baarada yiriwali la.

Min fana ye demendon ye, ka nɛsin baarakɛlaw ma walasa uk'u ka donniya jiidikalanw ke, ka fara baarakɛda ka sɔrɔ kan, dɔ bɛ ka k'o la. Nka, halibi dɔ ka kan ka fara o kan.

"Baarada nɛmɔgo

An ka baarada kunkanko bɛɛ b'an nɛsira la : a ka sɔrɔw n'a ka laɲiniw. An b'a nini i fe i ka da o la. O de kanma, baarakɛla kelen-kelen bɛɛ b'a hakili jagabo a yɛrɛ ye, walasa dɔ bɛ fara CMDT ka sɔrɔ kan.

O koson, an ka laɲiniw file nin ye :

- demen min bɛna ke ka nɛsin anw ka jɛkulu ma, baarakɛlaw laɲiyali, n'u



Kɔnɔw jɛlen de bɛ bii fo, awa mɔgow jɛlen de bɛ baaraɲuman ke

ladamuni, an'u nangili yɛrɛ siratɛgɛ la, walasa baara bɛ sabati. An b'i waleɲumandon o la.

Baarakɛlaw hakili ma bɔ gɛlɛyaw ko, u y'u yɛrɛ di walasa gɛlɛya ninnu ka temɛn. O de y'a to baarakɛlaw y'u yɛrɛ dege cɛsiri la, forobafɛn ladonkɔɲuman na, ani kɛwale caman wɛrɛw. Nka, an kelen-kelen bɛɛ n'an nataw jɛlen don. An b'a nini i fe, i k'an demɛn k'o nataw mafa dɔɔnin-dɔɔnin.

Baarakɛla ba duuru ladonni tɛ ko nciinin ye. Tɛnɛ don. Ɗinifen bɛɛ tɛ se ka sɔrɔ nɔgonfɛ.

I ka baarakɛla bɛɛ : minnu bɛ forow kɔnɔ wo; minnu bɛ iziniw la wo; fo ka se birokonɔtaw ma, ninnu bɛɛ de hami ye hɛrɛ sɔrɔli ye. Bawo, n'i ye kɔorisenebaarada kundama n'a ka sɔrɔ jateminɛ, a baarakɛlaw dusukun bɛ kami-kami. O dusukunkamikami ka kan ka furakɛ ka ban pewu, barisa baarakɛlaw miiri la, u tɔ bɛ kɔorisenebaarada fe, tɔ min ka kan ka ke k'u lahine.

Ni waati in na, labɛnw bɛ sen na, walasa ka seli ke min nɔgon ma deli ka ke kɔrɔko la folo, an ka jamana kɔnɔ, bawo kɔrɔ tɔni ba kɛmɛ duuru tun ma deli ka sɔrɔ folo kɔorisene yiriwali baarada fe ni ninan tɛ. Baarakɛlaw naniya ye seli in ka ke dawula ye,

walasa jamanaden bɛɛ k'a don u bɛ baara min na.

An bɛ sunkalo la. Kalo barikama don. Kalo in bonya kanma, an bɛ Ala deli a ka seli in kɛli fanga d'an ma. San min nɔgon ma deli ka ye kɔorisene na, o ni seli dawulama bɛ taa nɔgon fe. Nka, ni laɲiyalifɛn kɛrenkɛrennen farala nin fila kan, o ye ko dafalen kelen ye. Omana ke, o bɛ ke bi dugawu minenen ye.

Nin kalo kɔrɔtalen ye yafa kalo ye. Baarakɛlaw ko u yafara bɛɛ ma. Mɔgo o mɔgo, n'i donnen kɛra u gaasi la 1997 san na. An b'an kɔrɔw fo, an kɔrɔ minnu taara lafiɲɛbo bolobɔsigi la ninan. U ka waleɲumanw yera, wa u donna fana an fe baara numan misaliyako la. U ka san caman baara numan.

Tɛnɛ don, sunkalo bɛ senna. Ni Ala y'o numan latɛmɛn, an b'a nini nɛmɔgow fe, waleɲumandon seli ka k'u ye, u ni seli min ka kan.

Saliya Trawele ye dugawu kɛrenkɛrennen ke k'a ka foliw kuncɛ, ka nɛsin nɛmɔgoba n'a ka denbaya ma, a balimaw ; a teriw ani mɔgo minnu ko ka gɛlen a ma. A ko Ala ka 1998 san hɛrɛ caya. Ala ka hakili numan d'an ma. Ala ka CMDT lataa nɛ."


Zan Piyeri Derilon ka jemukan

San kura hukumu kono, an balimake Zan Piyeri Derilon ye kuma ta Farajew togo la, minnu be ka CMDT deme baara la. A ye u ka sanbee-sanbee foliw n'a dugawudon ke ka nesin "CMDT nemogoba ani a baarakela bee ma.

"Tubabukan be fo koorisenejamana minnu kono san 1997 bancogo jena o jamanaw kono, k'o sababu ke u ka koori sorolen hake ye. O soro sera koorimugu wurusilen toni miliyon fila ma. Malidebeten kan nin jamanaw la. O ye nisondiya ye an bolo. Nin soro ye timinandiya taamasiyen ye, san bi naanitimandiya, ka nin baara boloda ani k'a waleya konuman k'a ben farafinjamana koorisenejamana ka mogoya taabolo ma hadamadenya ni soro nasira la.

Nka, o n'a ta bee baara numan kelen juguya be dow la. U dow ye koorisene ke sene ye min be kongo lana ni ka dugukolo halaki. Kulu were mogow miiri la, farafinjamana minnu be faransikan fo n'u be koori sene, o koorisenejamana te soro labilali sariyaw labato. Koro be nin jugukanwa. Ninc man kan ka ke min ko o de ye ko Lameriken jamana de ye an faden folo ye kooriko la diye seleke naani mumekono. Farafinna ka koorisene ka sansoro be Lamerikenjamana siran, bawo yen koori te wari soro fo jamana yere ka jo n'a musaka fanba ye, ka se kemeda ma min ye kemede o kemede 60 (60%) ye.

Waati temena, a be san tan bo, lagosili kera ka nesin farafinna tiga senenen ma, k'a jira ko baga be o tulu la. O wale kera sababu ye ka tigasene barika dogoya Farafinna. A ye tigasene dabila jamana dow kono. O tuma, an ka kan k'an sigi n'o lagosiliwale jognonaw ye. 1997 san bantola be ben ni Porozé "Mali Sud 3" (CMDT paarabolo 3nan) fana banni ye. O la, an b'an nesin nafoloko kumanogonya ma walasa Porozé Mali Sud 4nan be bange. An



Zan Piyeri Derilon

b'a don ko kumanogonya in be korenkoren ka nesin sorokedaw labilali ma ani kenyerere yiriwali, sorokeminenw labaaralini cikebaaraw keneni. CMDT ye yelama caman don ka ban a ka baaraw taabolo la. A ye hakilijagabow fana ke taabolow kan, minnu nafa ka bon. An ka keta ka kan ka nesin feere kuraw soroli ma ani ka kon ka fura soro an cikenogonw haminankow la. An hakili be ka barika don sorofen werew la baganmara ni sene nasira la, anika deme don cikelaw

la ani baarakela werew, minnu be cikeduguw kono. Porozé Mali Sud 4nan ka baara bena ke nin walew sankorotali ye. Nka a bennen don CMDT ka da a la ko wale minnu be koorisene sabati, olu ye siw boli ye, senekeminenw soroli, koori wurusili ani koorimugu ka kokaan feereli.

O la, min be ke anw ka keta ye, an CMDT baarakelaw, o ye ka do fara an ka cesiri kan k'an baarakelaw yelama CMDT baara nicike yiriwali la. Nanbara t'a la, o fen o fen mana ye an baarakelaw la, an juguw n'o ke dalaminakala ye koorisenebaaradaw cili sira la.

O koson an be dugawu ke mogow ye, minnu cesirilen don baara la CMDT kono, walasa ka baarajekuluw ce ben sinsin, ka feere nafamaw tige, ka baara sabatiliwale numanw ke foka se CMDT ka soro yiriwali ma.

An be min ke ka nin kuma kuncce, o ye dugawu ye min be baaraw keko numan togo duman di an bee ma, an kelenkelen ka yiriwa nisondiya ni keneya la an ka denbayaw kono.

Ala k'an deme, a k'an lakana an ka baaraketaw tiimeni na san 1998 kono. Ala ka 1998 san ke san barikama ye be bolo.



CMDT ye toni 500 000 soro koori la ninan. O ye Alataanukoba ye

Musow ka kalan

Ɗɛbila

Ka keɲɛ ni kalan joyɔɔ ye hadamadenya sinsinni na, musow ka kalan kɛra wajibi ye. Walasa u ka ɲetaasiraw ka se ka waleya koɲuman, tile "35 kalansen bilala sen kan a san damado ye ninan ye. O hukumu kelen koɲo, Kucala kalanko yiriwali bolofara ye tile 35 kalan boloda okutoburukalo la ka ɲɛsin musow kalanni ma; nka a kalan in waleyara k'a ta nowanburukalo tile 20 na ka t'a bila desanburukalo tile 24 na Bila cikɛkafo dugu do koɲo, n'o ye Jɛna ye.

Kalan in kun do ye

- Muso kalanden jolenw caman ka soro.
- Musow ka bo kalanbaliya dibi la.
- Musow ka ɲetaa n'u ka yiriwali ka sabati.
- Musow ka keɲɛya; u ka saniya ani denbaya ladoncogo numan ka se ka sabati duw koɲo.
- Musow ka soro yiribalibaaraw seben ka lafa koɲuman, i n'a fo : tigaseɲɛ, sunbala sosɛɲɛ, nako-baaraw, saga balotaw, musow ka jago misen, safunɛdilan, pomatidilan n'a ɲogonaw.



Bila cikɛkafo kuntigi n'o ye Dawudi Damele ye, o ye kalan dayele. Jɛna kafoyirawatɔnkuntigi ani jɛna sɛriwusida ɲemogow, ka fara dugu ɲemogow ni muso jekulu ɲemogow kan, olu bɛɛ tun bɛ kalan dayelekene in kan.

Laadilikan caman fora ɲemogow fe ka ɲɛsin kalan in kunnawolo ma, laadilikan minnu faamuyara dugumogow ani kalandenw bɛɛ fe. Usumani Kulubali ani Fanta Sise ye kalan in karamogoya sinsin koɲuman, sabu olu kɛra kalan in karamogow ye tile 35 in koɲo.

**Guro Wɛɛ
ka bo Kucala**

San 1997 kalo 11 nan tile 20, musow ka balikukalan daminɛna Jɛna. Kalan in kɛra tile 35 koɲo.

Kalan kunw ye :

- Muso kalanden jolen caman ka soro
- Musow ka bo kalanbaliya dibi la.
- Musow ka ɲetaa n'u ka yiriwali ka sabati.
- Musow ka keɲɛya, saniya ani denbaya ladoncogo numan ka se ka sabati duw koɲo.
- Musow ka soro yiriwabaaraw seben ka lafa koɲuma

Muso 21 ye kalan in ke, ka bo kafoyirawatɔn 4 koɲo. Jɛna kafoyirawatɔn koɲo muso 10 bora dugu 2 la. (Jɛna ani Sange)

- Ɗala kafoyirawatɔn la, muso 8 bora dugu 4 koɲo (Ɗala, Ɗonca, Galan ani Ɗonina).

- Ɗamana kafoyirawatɔn koɲo muso 2 bora dugu 2 la (Ɗamana ani Sintala)

- Falo kafoyirawatɔn koɲo muso 1 bora dugu 1 koɲo (Tasona).

Muso minnu ye kalan in ke olu togo file nin ye :

- 1 Sunba Kulibali, ka bo Jɛna
- 2 Kaja Jara, Jɛna
- 3 Bintu Samake, Jɛna
- 4 Bintu Jara, Jɛna
- 5 Aramata Togola, Jɛna
- 6 Fatimata Jalo, Jɛna
- 7 Sitan Konate, Jɛna
- 8 Orokiya Jara, Jɛna
- 9 Tata Sako, Sange
- 10 Minata Samake, Sange
- 11 Fatimata Kamite, Ɗala
- 12 Minata Kulibali, Ɗala
- 13 Afu Tarawe, Galan
- 14 Mariyetu Kulibali, Galan
- 15 Mayama Jara, Ɗonina
- 16 Fatimata Jara, Ɗonina
- 17 Minata Balo, Ɗonca
- 18 Mayama Jara, Ɗonca
- 19 Alima Konate, Ɗamana
- 20 Korotimu Balo, Sintala

**A' ye
Jɛkabaara
san, k'a
kalan ani k'a
lajɛɛɛn, n'o
kɛra, aw b'a
jeniyɔɔ fin
fasokanw ka
boɲogolali la**

U ko...

Ɗejisusafininin, hon fininin na i k'i neji ce, jon kana kasi, kasi te ko dilan.

Ni mogo ni Ala diyara cogo o cogo, o t'a to a k'i son fen-beetigiya la. N'i ye bee dan surunya la, bee b'i dan janya la.

A man kan jon ka kasi (a kunkow koru). Kasi te ko dilan.

Faantan kana faamaya nege minc; faama fana kana faantanya nege minc; sentan kana setigiya nege minc.

Kobee n'a nafa n'a fiyen be jogon na diye konu.

**Orokiya Trawele
Donkilidala**

N'i y'a men n sigora, i sunogora de. Ko si sababuntan te. N'i dun b'a fe ka nesoro ko o ko la, fi k'a kekun n'a keyoro an'a kefen de don. Nonte i ka wosiji be ke neji gansan y'i bolo.

**Sunkalo Trawele
Ɗamabugu balikulankaramogo
Kolokani**

21 Sitan Jara, Tazona.

Kalan dayelela Bila cikakafokuntigi fe, n'o ye Dawudi Damele ye. Jena kafoyirwatn kuntigi Modibo Kulibali ani Jena seriwusidaw nemogo bee tun be kalanso in konu o don; n'olu ye: lakoliso nemogo, Bulikasumu Banbani; keneya nemogo, Yusufu Berite; furafeereyoro baarakela, Yunusa Samake; jiginniso baarakela, Aya Damele ani Jena dugunemogow bee, ka fara musojekulu nemogow kan.

Laadilikanw caman fora nemogow fe walasa kalan in ka ke kunnawolo kalan ye. Dugumogow ani kalandenw bee ye laadilikan ninnu faamuya kosebe.

Kalan in karamogow ye: Usumani Kulibali Bila II kafoyirwatnkuntigi, ani

Fanta Sise, Ɗala kafoyirwatn musow ka netaabaaraw kuntigi.

Kalan in dayelelen ko kiimeli folo kera. Kalanden jolen ma soro jaabi la.

Kalanso togodara ko: **Musow ka netaa yiriwali kalamananso.**

Kalan nesinna kalanje ni sebenni gafe ani jate gafe konona donni ma. O karamogoya tun be Usumani Kulibali bolo.

Musow ka soro yiriwali baaraw kalansenw karamogoya tun be Fanta Sise bolo.

Musow ka soro yiriwali baara kalansenw nesinna safunadila, pomatidila, sunbalaso sunbaladila ani denw ka moni nafama dilanni ma. Keneyaso ani jiginniso nemogow ka kalansenw nesinna: saniya ani keneya, denw ka konoboli n'a kunbencogo, bange kolosili ani muso lasirilenw ladoncogo saniya ni balo cogo kan. kalan kuncera ni kiimeli ye.

O kiimeli laban jaabiw file nin ye:

Mogo 21 kiimelen na, kulu folo kera muso 19 ye. Kulu filanan kera muso 2 ye. Kulu folo kemetila sigi kera 90,47 ye. I n'a fo kalanden keme, o keme muso 90, ni ko kera kulu folo la.

Nin kera nisondiyaba ye musow ani dugumogow bee bolo.

Kalandatugu in kera nenajeba ye, bawo mogo caman nana san kalo

12nan tile 24 don.

- Kucala cikemara nemogo fila nana n'olu ye Fanta Kante ani Ɗolo were ye.

- Bila cikakafo nemogo bee nana ani kafoyirwatnkuntigiw.

- Jena seriwusida mogow bee tun be yen.

- Lakoliso ani keneyaso ni jiginniso seriwusidaw.

- Jena dugu nemogo bee ani Jena kafoyirwatn sebennenabolaw bee nana nenaje in na.

- Ɗala kafoyirwatn sebennenabola dow fana nana.

- Bila Arajoso mogo fila nana n'o ye Babilen Kone ani Baji Jalo ye.

Laadilikan caman fora kalan datuguyoro in na, walasa kalan in ka ke yeelen ye duw, duguw ani jamana konu. Bawo donnibaga do ko: n'i ye ce kelen kalan i ye mogo kelen kalan, nka n'i ye muso kelen kalan i ye du kelen kalan, i ye mogo caman kalan.

An be Modibo Kulibali n'a ka denbaya bee fo ani dugumogow bee, minnu kera sababu ye ka kalan in sabati.


Ala ka san kura 1998 ke si jan soroli ani here ni kunkorota san ye an bee fe.

**Usumani Kulibali
Bila II kafoyirwatn
Bila cikakafo
Kucala cikemara**



**Mali senekelaw ka soro yiriwali
waribon (BNDA)**

**Mali waribonba nugujima walasa
Mali ka sebekoro nugujiya**



Tigiya jekulu min baaranafolo ye sefawari d.
8 870 191 400 ye

Ɗemaasigida : C.A.A. soba BP 2424

Telefoni : 22-64-64 22-66-33
22-66-11 23-58-58

Telekisi : 2638 MJ - Fakisi : 22-29-61

**Bolofaraw : Bamako, Fana, Kucala, Segu,
Ɗono, Sikaso**

**Yeretabolofaraw : Buguni, Moti, Tumutu,
Gawo, Ɗafunke**

**Bolofara togolataw : Kita, Kunana, Npresoba,
Ɗena, San, Doyila,
Yoroso, Welesebugu,
Kajolo.**

Togolabasigida jamana kakan :

CNCA Pari

DG Bank Frankfurt AM Main Alimani

American Express Bank

**BNDA ye waribon ye min kerenkercennen be
sene yiriwali ni jurukow ani cikeduguw
layiriwali warimaraw la**

Kucala "AW" (AV)

Bi-bi in na, AW (AV) 716 de be Kucala cikemara kono, ani zayeri 62. Kucala cikemara soro bee be bo AV duguw de la. O soro fanba ye koori de ye. Fen min ye cikeduguw labenbolo ye 1996-1997 baarasan na, bolodayoro kunba dow waleyara : CMTD ka deme donni kalanminenko la ani kalansow konofenkow. O kera jigisigikoba ye cikelaw boloani balikukalandenwka netaasira numan.

- Sugusaraw yelenni ye do fara sorow kan.

- Ɗogonda sigili sen kan "dugukalannenba" kunkan, o nana ni dusudonba ye AV la.

- labaara sariyaseben sigilisenkan anik'alanse, o ye laben sabilen don duguyiriwatow kono.

- Nin wasakow n'u ta o ta, geleyaw be yen, minnu sirilen don jama ka sorofenw labaaracogola AV nemogow fe. O geleyaw be yen hali ni "PGR" (duguw ka nafasoro-siraw labaarali kalan baarabolo) b'a seko bee la, lafaamuyaliw siratege la.

O jama ka sorofenw labaaracogo jugu de nana ni geleyaw ye, min kera sababu ye ka benkola ronogo. O min tun ye netaa sabisira nogon ye an ka duguw kono.

AV hake 91 de sigira sen kan 1996/1997 baarasan na. O bee bora AV koro jensennenw de la.

Balikukalan lahalaya la AV kono ka da kiimeliw jaabi sorolen kan, an be se ka kalanbolo ninu soro :

1 - AV ka jaabisigi

O hukumu kono, an b'a

soro ko :

AV numanw be hake % 39 la;

AV minnu kafisa o hake be % 52 la;

AV dugumadaw kalanko la, o hake be % 9 la

2 - Kalansen teliw labenni :

AV hake % 75 de ye kalansen teli sigi sen kan. Kalanden kiimelen %32 be se folo (gurupu 1) la. O hake fana %25 ye musow ye. Kalanden kiimelen hake % be se 2 nan na. O hake fana % 19 ye musow ye.

Geleyaba minnu sorola balikukalanko la duguw kono, olu ye karamogow (cemanw ni musomanw) ka donta sakorotabaliya ye.

Nin katimu folo jaabi kunbaw file nin ye :

Cikakafo woro kono :

AV hake ye 716 ye ;

Komini hake ye 56 ye ;

AV numan hake ye 281 ye ;

A kafisa AV hake ye 62 ye

Kalanso hake 515 de sorola.

Kalansen teli 518 de kera.

* Kalanden ceman togo sebennen ye 7983 ye

* Kalanden musoman togo sebennen ye 1936 ye

* Kalanden ceman kiimelen hake ye 6869 ye

* A musoman kiimelen hake ye 1417 ye.

AV ka jama sorofenw 1996/1997 baarasan na

Koori sugusaraw yelenni kera sababu ye ka soroba lase duguyiriwatow ma. Sorotow, minnu ye sorokuru %5 doron ye, olu be soro :

Cikakafo	AV	Komini	Tilacogonumanyakono			Kalanso	Kalansen	Kalandenceman hake		Kalandermusoman hake	
	hake		hake	numan	kafisa	maji	hake	telihake	sebennen hake	kiimlen hake	sebe
Kucala	150	12	51	88	11	128	146	1908	1604	403	221
Npesoba	121	8	68	32	11	76	66	925	778	277	261
Moloba	81	7	17	52	12	67	66	881	796	156	109
Zebala	100	9	56	54	-	64	84	1356	1161	127	134
Yoroso	144	10	42	85	17	76	92	1498	1362	197	271
Bla	120	11	757	52	11	104	124	1415	1168	776	421

- AV tondenw ka juru talenw ka jurusaraw
 - Soro kelen suman sannifeere siratege la (dugu suman lasagonnen)
 - AV ka masin banbaw ni nosimasinw ka soro kelenw.
 - Dugu suman bayelemadaw ka soro kelenw.

AV sigicogo soroko la

* AV %9 ka sorda ka dogo kojugu
 * AV %25 ka sorda hake berbenennen don
 * AV % 66 ka sorda ka bon haali.
 AV fanbaw ka sorda ka bon haali. Nka, o sorow labaaracogo ka jugu AV nemogow bolo. AV caman kono, soro kelenw de be ke ka dugu bankijuruw dabonwariw sara.

Koori hake sorolen AV fe 1996 / 1997 baarasan na

Koori soro toni na
 AV duguw de be koori soro kuru ke Kucala cikemara kono. Nka, deme ka kan ka don u ma kalansiraw ni faamuyasiraw kan, walasa baara be ke a nema.

Kumalase

Bi bi in na, netaasira bee sinsinnen don duguyirawatn de kan. Ob'a jira ko demebaga wese te adamaden na, ka teme iyere kan. An be waati min na i ko bi, a ka kan AV nemaaw bee k'a faamu ko jama ka danaya fana y'a danma danbesira de ye, bee te se ka min soro. N'o danaya dun dara mogo min kan dun, di ne natasira si man kan k'i bila dunkojuguya la. Bamananw ka kuma don: "danaya minen ka fege n'a fo koorimugu tegefa, yeredonbaga bolo. Nk'a ka girin ni "kuluba kulu" ye

AV kajama sorofen 1996/1997 baarasan na

Cikakafow	Sugusaraw	Koorikofesoro	Sorowerew	Sorokuru
Kucala	137 650 390	73 340 660	12 244 615	223 235 665
Npesoba	88 719 160	38 589 805	2 552 215	129 861 180
Molobala	82 623 635	49 391 780	1 984 120	133 999 535
Zebala	89 672 555	28 957 170	10 646 840	129 276 565
Yoroso	163 237 830	56 050 070	4 335 585	223 623 485
Bila	68 850 945	46 160 470	21 734 170	136 745 585
Kuru	630 754 515	292 489 955	53 497 545	976 742 015

Koori hake sorolen AV fe 1996/1997 baarasan na

Cikakafo	AV hake	Kooriforokenhake		
		AV	Kuru	%
Kucala	150	27 511	23 511	100
Npesoba	121	16 734	16 734	100
Molobala	81	15 505	15 505	100
Zebala	100	16 913	16 913	100
Yoroso	144	33 919	33 919	100
Bla	120	16 915	16 915	100
Kuru	716	127 497	127 497	100

Koorisortonina

Cikakafo	AV ka soro	Kuru	Kemetilada%
Kucala	30 841 746	3 084 747	100
Npesoba	19 504 160	19 504 160	100
Molobala	17 817 339	17 817 339	100
Zebala	19 183 030	19 183 030	100
Yoroso	33 197 530	33 197 530	100
Bla	15 300 120	15 300 120	100
Kuru	135 844 106	135 843 926	100

danbentan bolo". An kana danayatine ke. O te denbatigi ma togo numan ye. Barisa, n'a ma fo k'i kunnabila, a be fo i kofe, k'i bonsonw kunnabila.

Duguyirawatn wale yaw
 Baarasanw ko lawaleyalenw hake ka dogo. A fanba ye kalanso danmado joli ye siman na. - Baara tow bee ye

Duguyiriwatɔnwɔkawaleyaw

Taasiraw	Cikɛkafo						Kuru	Segin- nkanni
	Kucala	Npɛsoba	Molobala	Zebala	Yoroso	Bla		
Duguyiriwatɔn kɔɔritigiw hake	150	121	81	100	144	120	716	625
Duguyiriwatɔn sumantigiw hake	-	-	-	-	-	-	-	-
Duguyiriwatɔn wɛrɛw	-	-	-	-	-	-	-	-
AV hake kuru	150	121	81	100	144	120	716	625
AV gansan hake	17	-	-	-	37	-	54	-
AV zayeriw hake	133	121	81	100	107	120	662	-
Jiginɛ federasɔnw hake	-	-	-	-	-	-	-	-
Dugu hake federasɔnw kɔnɔ	-	-	-	-	-	-	-	-
Jɛ jiginɛduguw hake	-	-	-	-	-	-	-	-
Magasa jɔlen bɔgo la	123	117	78	102	56	85	561	590
Magasa jɔlen siman-na	62	27	15	11	17	55	187	180
Balikukalanso jɔlen bɔgo la	47	74	51	47	56	74	349	414
Balikukalanso jɔlen siman na	39	6	5	15	9	26	100	-
Dugugafemarayɔrɔw hake	11	36	-	4	12	1	64	-
Kɔlɔnbaw hake (pɔnpkɔlɔnw)	113	103	90	138	296	104	844	891
Kɔlɔnba gansanw hake	5	3	14	14	155	14	205	-
Dugu jirisɛnforow hake	3	15	4	20	4	33	79	98
Jiriforo duguw hake	52	38	42	47	75	42	296	256
Sayijirin kɛnɛ hake	0	-	-	2	-	-	2	-
Sayijirin ju hake	0	-	-	1098	-	10	1108	-
AV ka masin banba hake	10	8	6	8	6	7	45	40
Ɔosimasin hake	7	11	1	1	5	2	27	27
Tulubɔmasin	2	2	2	0	0	-	6	8
Misi sɔgɔyɔrɔ hake	40	64	31	20	54	115	324	324
Tilelajamasin	-	-	-	-	-	-	3	3
Jiko tɔnkulu hake	5	76	53	63	22	46	311	276
Pɔnpekɔlɔ dalakoolilen	45	47	27	58	22	27	226	197
Pɔnpekɔlɔn tilelabaara ta	4	2	1	3	-	-	10	7

Taasiraw	Cikɛkafo						Kuru	1995/96 seginnkanni
	Kucala	Npɛsoba	Molobala	Zebala	Yoroso	Bla		
Balikukalankaramɔgo kalannen	116	60	76	73	139	75	539	-
Karamɔgomuso kalannen	33	19	14	3	12	14	95	-
Cekalansen telin hake	109	50	48	73	60	70	415	276
Musokalansen teli hake	18	14	12	11	11	17	99	25

baarasan tɛmɛnɛn ko lawaleyalenw de ye.

Kalan taasira

Kalan taasira siratɛge la, jɔyɔrɔba dira cɛkaramɔgow ni musokaramɔgow kalanni ma. (Balikukalansow karamɔgow). Balikukalanden jɔlenw ka kalansiraw ma daminɛ kɔsɛbɛ.

Balikukalanden jɔlen kelen bɛ sɔrɔ cikɛda %53 kelenkelen bɛɛ kɔnɔ.

Muso kalanden jɔlen 1 bɛ sɔrɔ cikɛda %4 kelenkelen bɛɛ kɔnɔ.

- Baaraba ka kan ka kɛ walasa ka

balikukalanden jɔlen kelen sɔrɔ cikɛda kelenkelen bɛɛ kɔnɔ.

- Fangaba ka kan don musaka labaaragafe tiimɛni na cikɛda kelenkelen bɛɛ kɔnɔ.

* Jamakalanyɔrɔ yelenw bɛɛ ye "Vision mondiale" ka baara kelenw de ye.

Kunceli

1996/97 baarasan kɛra yelemaba caman donsɔn ye cikɛlaw ka diɛnɛnɛn taabolo sɔrɔ la. Kɛrɛnkɛrɛnɛnya la, o yelemaw yera

kalansenw ani balikukalan siratɛge la.

Hali ni naɓalikow bɛ yen, geleyako dɔw fana bɛ yen, minnu b'an hakili kamikami duguyiriwatɔnw ka taabolo la.

A ka kan, cikɛdemɛbolɔfara bɛɛ (cikɛlaw; cikɛlakɔlidenw; baaraw bolodabagaw) olu bɛɛ k'u fanga fara ɔgɔn kan sɛbɛ lakika la, walasa ka fura sɔrɔ duguyiriwatɔnw kɔnɔgeleyaw la, o geleya minnu juɔn bɛ jamafen labaaracogo jugu la.

CMTD Kucala

San 1996/1997 farikolonenajesan kiime

Ka san kura damine ni tasibila ye san korokan, o ye lada ye min be tiime maaya sira bee kono. Taanu be ala ye, 1997 san foorila, sankura here n'a kayira ka ke jekabaara kanubagaw n'u limanaw garisgelafen ye.

1996/1997 farikolonenajesan fana foorila, yanni san kura nenajew k'u kunbo, ankaje k'an kofile santemennen na. I n'a fo o ye korolenko ye cogo min na, Mali ladala farikolonenajew kera san 1996/1997 kono, minnu ye Mali ntolatan kupuba ni tonnananini ntolatanw ye. O siratega la, Joliba ntolatantoni Esitadi ntolatantoni fora k'u jo ni san saarabaw ye.

Mali tonnananintolatanw kadara kono, Esitadi ntolatantoni y'a kanubagaw ladiya ni nanaya kupu ye. 1996/1997 ntolatansan kono, Esitadi temenna Mali kupuba kerefe, nka a ye tonnanaya yalon ka bo tow ne kan. A ntolatanw kecogo ma mogow ne fa k'o sababu ke tonw ka cedenw girinya n'u ka ntolatan basigibaliya ye. Kuru caman donna tonnananini-ntolatan ninnu senfe. Nka sara ni daraja y'a nogonkunbenw je kosebe.

1996/1997 san, Mali kupuba nenajew nogonna maa kamanaganko ma ke. Nogonkunbenw ma bo u bolodasira fe, k'o sababu ke geleya suguya caman ye. O temennen ko, Mali ntolatantoni m'u deliko bila - Bisigitonbaw ye ton mankanw ke dakurunne kelen ye. Segunntolatantoni bitonkera saara bee la juguman cebaga ye. Ale ma ke dowere ye sanmegeru ko.

1996/1997 san Mali kupuba nofebolibagaw laban kera Joliba ni Ereyali ntolatantoni cedenw ye. Mali kupuba kene laban fana ma ke jigiya fafenyebawo-joliba cedenwye Ereyali cedenw sebekoro walon kuru 3 ni 0, ntolatan nagasilenba senfe.

Afriki kene

I n'a fo korolen, Mali ntolatantoni saba kera faso joworo fabagawye Afriki nogonkunben kene kan ntolatan kadara kono. 1996/1997 sanna, Joliba Ereyali ni Esitadi ntolatantoni cedenw kera faso cebow ye "kafu" (Afriki ntolatanko baarada) ka kupu kene, UfOA kupu kene ani tonnanaw ka kene kan.

Bakurubafo la, tunga ma diya an ka ntolatantoni na. U bee ka kupu-nofeboli ma bo kari la ka nenen soro.

Tuma min faso tonw senbora Afriki kupu mankanw nenajew la, Mali ntolatan kanubagaw bee y'u nesin Afriki kupuba nebilantolatan ma, ni jigiya ye. O jigiya wolola falaki la. 1996/1997 san Afriki kupuba nebila ntolatanw hukumukono, Mali Samatasegew ye Benen jamana ni Alizeri jamana cedenw furan ka bo Wagadugu sira kan, nka Kodowari jamana cedenw kera kolo kogolen ye min ma se ka kunu an fe. 1998 san Afriki kupuba kefe jiginna so. Wale in dusukasi bonyana Mali ntolatan kanubagawbolo. Nisongoya finye jugu cira ka don Mali ntolatan baarada (FMF) kono.

Mogo binnen folo kera Samatasege cedenw degelibaga Mamadu Keyita ye. Ale bolobora ca la. Mali Samatasege cedenw degelibaga ntanyara. O waati kono kupu kabarali nenajew dogodara. Faso ntolatantoni kalifara Mori Goyita ni Faneji Jara ma. Kabarali Togolakupu kene kera kunnawolo ye. Samatasege cedenw seginna ni kupu ye kan'o bala an na.

1996/1997 san kono, Mali Samatasege mankan cedenw ye Malidenw kunkorota u togola Afriki kupuba kene kan. O temennen ko, u taara yelenku u togla dije seleke 4 kupu kene fana kan.

Bololantolatan hukumukono, Mali

bololantolantoniw ma yelenku jamana koka. Afriki kene kan u kera keremewu ye.

Faso kono, u ni nogon ce lada ma wuli. Joliba ni Esitadi bololantolantoniw ceman n'a musomanw ye kupu nana ni Mali kupu tila u ni nogon ce. "BMCD" waribon ka bololantolantoniw soro kera cedennana togotali ye.

N'an y'an kofile. Kiimeni dakun na, farikolonenaje san 1996/97 bora farikolonenaje kanuba-gaw jigikoro. Kabarili togola-kupu yalonni ye dusukun fegenya k'an ye nk'a ma jigiyaminen fa.

An ka tonw kera denmi-sensow ye Afriki nogon-kunbenw kene kan. U si ma surunya nataminen fali la.

Ntolatansan 1997/1998, jigiya san!

Farikolonenajesan 1996/97 kera diminna-munun san ye farikolonenaje kanu-bagaw bolo. Ntolatanba bolodalenw bee kera falaki ye an ka tonw bolo, Samatasege cedenw fana kolila u ka fen genta bee ma. Nka, mogo kana i jigilatige i yere la donkelen nani kama.

An ka je ka san kura in ke jigiya san ye.

Mali ntolatanko baarada (FMF) nemaaw y'u bolobo degelibaga kura nofe. Samatasege cedenw lajoli kanma, Minisiri kura fana sigira Mali farikolonenajeko konna, minye Adama Kone ye. Farikolonenaje hukumukono ale te dunan ye bawo bolilikela koro don, min y'a ka waati sebekoro lafa.

San in kono, Salifu Keyita ka ntolatan kalanso ton cedenw fana be se ka k'an bolomadayoro do ye.

Ntolatansan 1996/97 kono, "CSK" (Salifu Keyita ka kalanso) denmisenw y'u jeniworofin Faso kono nogonkunben ntolatanw senfe.

Bakari Sangare

Nfa tun ye cekoroba ye min tun hakili sigilen don. A tun timinan ka di. A tun te ninc, bawo o waati denmisenw te se ka mara ni fanga ni diyagoya ye, i n'a fo ale marala cogo min. Hali n'i ma ne o ko, i ka to ka juru yoba. O hakilina kono, Yadu kelen ka san saba soro baara la, a seginnen ka na Kantigiso lakolibila la, don do lafinebo selen a tilance la, a fa k'a ma :

-Yadu, i sera musofuru ye ten, i ka kan ka muso furu sa, bawo i te moggo kenebaatoaba ye wa ne fana korola.

Yadu k'a fa ma :

-Ba, n y'a men. Kabini ne ma son mamineni folo ma, ne y'a don ko ni ne ma muso furu e te lafiya.

-Yadu, jo be ne fe, bawo i sera san mugan ni kelen ma, i ye san saba soro baara la fana, muso furu, min ka di i ye, i n'o ke i fere ma kofe.

Ba, a be nenabo. N ni n koroke y'a kuma ke ka ban. A tora ka se i ma n'a kuma ye, i ka worow bo Limatu nefe, Basi denmuso ka bo dugu kurala.

Nfa ko denke ma o kuma folen :

-N be Basi don ke, nka n ka don ma soro ka se a denmuso Limatu ma.

Yadu ye nefoli damado ke walasa k'a yerdalakuma barika cogo min fa dusu be se ka suma ka son ale miiriya ma. Nka o n'a ta o ta, Nfa ye folomogo min ye, a ma son a denke ka kuma ma o cogo la. Nfa fe, a denw b'a fe k'a diyagoya a ka mamineni ke, a ka don ko la, a te min sidon, odunt'a hakilina ye mamineni na, bawo ale fe, n'i y'a men ko ce basigira, k'a ye here soro a ka dijesosigi kono, a fo k'a benna furumuso numan de ma.

Jamana ka yeremahoronya tun sera a santannan ma. Onana ni hakilina kuraw ye mogow kun na, ani yeresagoke ni kewale

Sabu i Sabu

(Tige sabanan)

dunanw ye. Bangebaaw n'u denw ce fana be ka ye lema. O n'a ta bee, bangebaa kologelenw ma son denmisenw ye, u ma son cogo si la k'u mabo korolenw na, kokorow ni laadalakow. U ma son u ka gadenw ka koketa dunan bee ma, ko hake ka ni hadamadenya ko bee la sango min yere ye furu sira ye. Nfa tun ye o bangebaa kologelen do ye Kantigiso.

Nfa labanna k'a fo Yadu ye:

-Denmisenw soka kene, nka a te sira don. Aw b'a fe ka ne ka ga tigiya bosine na ka soro k'a firi a kunjugu kan. O te ke ka ne to balola. Tubabukalan ni yeremahoronya tali be se k'an fili an yere ma. Aw ta ye nkalon ye. Woro fosi te taa Basi ka so k'o ye mamineni woro ye k'a soro ne Nfa nekise fila ma da a ka Limatu kan. Dine ma ye lema ka se o yoro ma ne ka ga kono.

Yadu ma se ka fosi d'a fa ka kuma kan. A wulila ka taa ten, nka a y'a faamu k'a fa be samana yoro min nefe, o ye hali bi tangali yoro do ye, ka furu kasaara, n'a jigitine n'a nimisa gen ka bila kerefe.

Nfa tun be hadamaden don, cekorobaya la. N'a tun fere la moggo lajeli ma, a tun be se ka ko caman fo o tigi ka dijelatige cogoyaw kan.

Muso tere ka ni, a man ni, muso be bange, a ton ka surun, a ton ka jan, a te bange yere fewu, a be ke miseli ye furu kono, a garijige cogoyaw, hali ce w yere, Nfa tun be caman don ninu na. Yadu fana y'a fa ka kuma faamu ka da nin bee kan. A b'a don ko Nfa ka kuma ye surukubo ye, n'a be koro a be je. A n'a ka tubabukalan ni yeremahoronya hakilina dunan bee,

a te kun a la a ka sagon a fa ka nin miiriya kan. O de la, lakoliwuli surunyalen tuma min, yanni Yadu ka koronfela sira mine, don do wula fe, a taara Limatu ta motola ka n'a jira somogow la, nka kerengerennanya la, a ba n'a fa la.

A ma ke juguman ye, a kera Nfa sagoye. Aye Limatu kanu buranmuso ye.

-Ko denmisenw ci be, mogokoroba ci be. Worobo ye mogokoroba ci ye, o tora Nfa ma. Laada ye laada ye, kokoro ye kokoro ye, k'u ke u kecogo la, k'u labato u labatocogo la, ko tineta be dogoya hadamaden ka dijelatige kono.

Limatu tun ye npogotigi dafalen ye ka ban. A tun kogo falen don Npogotigi min tun don, a tun jelen don a fari la, moggo jeman tun don. A tun ye o fuladen ka jeya soro a woloba fe, bawo o tun ye fula ye. N'a tun jaien don i ko jula, a farikolo tun te fulaw ta. A tun farikolo bora a wolofa ta la, a farikolo tun donnen don konuman, k'a soro a ma ko gungurun ye.

Moggo tun te Limatu ye nin waati, n'i ma kanu n'i yere ye, n'i ma kanu n'i yere ye i tun b'a kanu n'i balimake ye. Limatu ce ka ni, a nunkala tun jelen don, nekisew jelen don, u be menemene, dawolowtuntigecogobennen don neda to bocogo ma. A ka ye le tun man ca, nka n'a tun ye le la n'i y'a dakononinw ye, i b'a don ko ninw jebaliya tun te a ka ye le baliya kunba ye. O tun bora a ladamucogofana na.

Limatu ka kalan kuntaala ma janya lakoli la. A bolen lakoli la, a tora a ba kerefe k'o dema dukonona musoya-

baaraw la fo ka musoya faamu k'a don laadalakow ni kokorow y'a fo cogo min na, musoya, denwolomuso, denba denbaya kolosilibaga, gadonna, dudenw ladamubaga.

Limatu tora o de kono ka na san tan ni woro soro. Ce w y'a ke i ko npogotigi were te Kantigiso kono. Furubolomaw ye donkabo ni taaka-segin damine Basi ka du kona. Dow ko nafolo b'a nenabo, dow yere ta kera ko kalan, dow fana ta kera ko siginogonya. Limatu dawula n'a ka sara n'a lolo ma to si to mogow la, a kera konkiranimusos ye, ce w tun faamana min ma Kantigiso kono.

A to be bokonata kono

Daramane Tarawele

Jekabaara

Labolikuntigi
Tumani Yalam Sidibe
Sebennekulukuntigi
Tumani Yalam Sidibe
Sebennekulu
Bakari Sangare
Amadu Gani Kante
Bakari Kulubali
Jekabaara ni ONG cesira
taamabaga
Fanta Kulibali
Jegenw kebaga
Nuhun Madani Tarawele
ko Banun
Baarakonogonw
MAKOCI, SNV, OCED
Hakebota:
11 000

CMDT moggo minnu ye
sebenni ke bokonata

Madu Yusuf Sise
Dawuda N. Dawo
Mamadu Lariya Sise
Adama Tarawele
Mamadu Jalo
Yusuf Jime Sidibe
Siyaka Jara
Nanpi Sanogo
Danyieli Kulibali